

沅湘耆舊集前編

黃湘者舊集前編卷第六

新化 鄧顯鶴 子立審編

男琮謹輯

胡從事曾 一百六十二首

曾邵陽人所居之地名秋田鄉故號曰秋田咸通  
中舉進士不第嘗爲漢南從事高駢鎮蜀辟掌書  
記時南詔叛乘傳入川辭旨不遜駢屬幕客撰書  
答之曾云四方之於中國猶衆星之拱北辰百川  
之趨東海天地尙不能違況於人乎駢盛稱之牋  
奏皆出其手有安定集十卷見唐書藝文志詠史  
詩三卷見陳振孫書錄解題全唐詩合編爲一卷

四庫全書總目詠史詩二卷胡曾撰曾邵陽人  
女苑英華載其二啟皆干謁方鎮之作陳振孫書  
錄解題稱其咸通末為漢南從事何光遠鑑戒錄  
判木夾一條載高駢鎮蜀曾為記室有草檄諭西  
山八國事蓋終於幕府也是編雜詠史事各以地  
名為題自其工之不周山迄於隋之汴水凡一百  
五十首文獻通考載三卷此本不分卷數蓋後人  
合而編之其詩興寄頗淺格調亦卑何光遠稱其  
中陳後主吳夫差隋煬帝三首然在唐人之中未  
為傑出為其追述興亡意存勸戒為大旨不悖於  
風人耳每首之下鈔撮史書各為之註前後無序  
跋亦不載註者名氏觀所引證似出南宋人手中  
鉅橋詩中遂作商郊一聚夾句註曰武王發鹿臺  
之財散鉅橋之粟大賁於四海而百姓悅服詩謂  
其作商郊聚灰非也又謂賁詩當時未入非熊夢  
句註曰舊作非熊俗本誤後世莫知是正亦間有  
駁正然弁陟特甚如洞庭詩詠軒轅自指張樂一  
事而註乃置莊子本友引史記鼎湖之說未免失  
之於眉睫徒以舊本存之耳王忠遠搜刻安定  
集序邵陽胡從事曾著安定集列在唐史必斐然  
可觀求之僅得詠史詩一百四十九首又七言律  
詩若干首曾有詩名所傳當不止此要以弔古悲

歌義持勸沮勝於豔情俚語遠矣曾嘗從高駢論  
辛叛唐曾之始末未能詳考然墳在里中秋田鄉  
羊虎未盡崩露其為終老於家不與從逆較然可  
知邵陽間人唐以前如騷角曾詩詎可不在掌故  
乃為抄梓以行 楊升庵詩品胡曾詠史云漢  
黃沙際碧天問人云此是居延停驂一顧猶魂斷  
蘇武爭銷十九年此詩全用杜牧之句慎少寺先  
師李文正公公曰近日兒童村學教以胡曾詠史  
詩入門先壞了聲口矣慎曰如詠蘇武一首亦好  
公曰全是杜牧之聞胡翁詩意退而閱之誠然然  
曾之詩此外無間良者 琮案寶慶府志曾以天  
福間狀元及第高駢鎮蜀時辟為書記考駢鎮蜀  
在唐乾符二年去石晉天福元年尚隔六十年之  
久豈有為書記於六十年前及第反在六十年後  
方志謬妄如此楚寶仍其誤亦云後晉天福間應  
舉不第考異辨之詳矣志又云曾梁貞明間入蜀  
蜀王衍宴飲無度曾作詩諷之衍怒罷宴後權延  
唐令請於朝復立舜祠於玉瑄山下曾之再入蜀  
與否未可知其權延唐令請復立舜祠則  
信而有徵但未知權令在何時耳俟考

# 草檄荅南蠻有詠

辭天出塞陣雲空霧捲霞開萬里通親受虎符安宇宙誓  
將龍劍定英雄殘霜敢冒高懸日秋葉爭禁大段風爲報  
南蠻須屏跡不同蜀將武侯功

寒食都門作

二年寒食住京華寓目春風萬萬家金絡馬銜原上草玉  
顏人折路傍花軒車競出紅塵合冠蓋爭回白日斜誰念  
都門兩行淚故園寥落在長沙

薄命妾

阿嬌初失漢皇恩舊賜羅衣亦罷薰倚枕夜悲金屋雨卷  
簾朝泣玉樓雲宮前葉落鴛鴦瓦架上塵生翡翠裙龍騎  
不巡時漸久長門空掩綠苔紋

獨不見

玉關一自有氛埃年少從軍竟未回  
門外塵凝張樂榭水邊香滅按歌臺  
窗殘夜月人何處簾卷春風燕復來  
萬里寂寥音信絕寸心爭忍不成灰

交河塞下曲

交河冰薄日遲遲漢將思家感別離  
塞北草生蘇武泣隴西雲起李陵悲  
曉侵雉堞烏先覺春入關山雁獨知  
何處疲兵心最苦夕陽樓上笛聲時

車遙遙

自從車馬出門朝便入空房守寂寥  
玉枕夜殘魚信絕金鉤秋盡雁書遙  
臉邊楚雨臨風落頭上春雲向日銷  
芳草

又衰還不至碧天霜冷轉無慘

早發潛水驛謁郎中員外

半牀秋月一聲雞萬里行人費馬蹏青野霧銷凝晉洞碧  
山煙散避秦溪樓臺稍辨烏城外更漏微聞鶴柱西已是  
大仙憐後進不應來向武陵迷

贈漁者

不愧人閒萬戶侯子孫相繼老扁舟往來南越諳鮫室生  
長東吳識屈樓自爲釣竿能遣悶不因萱草解銷憂羨君  
獨得逃名趣身外無機任白頭

自嶺下泛鵲到清遠峽作

乘船浮鵲下韶水絕境方知在嶺南薜荔雨餘山白黛簫

漢煙盡島如藍旦遊蕭帝新松寺夜宿嫦娥桂影潭不爲  
篋中書未獻便來茲地結茅庵

題周瑜將軍廟

其說生前國步難山川龍戰血漫漫交鋒魏帝旌旂退委  
任君王社稷安庭際雨餘春草長廟前風起晚光殘功勳  
碑碣今何在不得當時一字看

詠史詩

爭帝圖王勢已傾八千兵散楚歌聲烏江不是無船渡恥  
向東吳再起兵

烏江

茫茫衰草沒章華因笑靈王昔好奢臺土未乾簫管絕可  
憐身死野人家

章華臺



楚王辛苦戰無功國破城荒霸業空唯有青春花上露至  
今猶泣細腰宮

細腰宮

馮翊南邊病霧開行人一步一裴回誰知此地凋殘柳盡  
是高歡敗後栽

沙苑

古郢雲開白雪樓漢江還楚石城流何人知道寥天月曾  
向朱門送莫愁

石城

抱玉巖前桂葉稠碧谿寒水至今流空山落日猿聲叫疑  
是荆人哭未休

荆山

楚國城池颯已空陽臺雲雨過無蹤何人更有襄王夢寂

寂巫山十二重

陽臺

漠漠平沙際碧天問人云此是居延停驂一顧猶魂斷蘇

武爭禁十九年 居延

漢高辛苦事干戈帝業興隆俊傑多猶恨四方無壯士還  
鄉悲唱大風歌 沛宮

一自佳人墜玉樓繁華東逐洛河疏唯餘金谷園中樹殘  
日蟬聲送客愁 金谷園

虞舜捐萬乘君靈妃揮涕竹成紋不知精魄遊何處落  
日瀟湘空白雲 湘川

六龍冉冉驟朝昏魏國賢才杳不存唯有侯嬴在時月夜  
來空自照夷門 夷門

北乘羸馬到燕然此地何人復禮賢若問昭王無處所黃  
金臺上草連天 黃金臺

夷陵城關倚朝雲戰敗秦師縱火焚何事三千珠履客不  
能西禦武安君

夷陵

漢江一帶碧流長兩岸春風起綠楊借問膠船何處沒欲  
停蘭棹祀昭王

漢江

有虞龍駕不西還空委蕭韶洞壑閒無計得知陵寢出愁  
雲長滿九疑山

蒼梧

陳國機權未可涯如何後主恣嬌奢不知卽入宮中井猶  
自聽吹玉樹花

陳宮

世亂英雄百戰餘孔明方此樂耕鋤蜀王不自垂三顧爭  
得先生出舊廬

南陽

卽是鴻門縱火牛燕師營裏血波流固存不得田單術齊

國尋成一立

岸草青青渭水流子牙曾此獨垂鉤當時未入非熊兆幾

向斜陽歎白頭渭濱

東上高山望五湖雪濤煙浪起天隅不知范蠡乘舟後更

有功臣繼踵無五湖

一旦秦皇馬角生燕丹歸北送荆卿行人欲識無窮恨聽

取東流易水聲易水

長平瓦震武安初趙卒俄成戲鼎魚四十萬人俱下世元

戎何用讀兵書長平

月滿西園夜未央金風不動荊天涼高情公子多秋興更

領詩人入醉鄉西園

沅湘耆舊集前編卷第六

江上南風起白蘋  
長沙城郭異咸秦  
故鄉猶自嫌卑溼  
何況當時賦鵬人  
長沙

廟算張良獨有餘  
少年逃難下邳初  
逡巡不進泥中履  
爭得先生一卷書  
圯橋

魏武龍興逐逝波  
高臺空按望陵歌  
遏雲聲絕悲風起  
翻向樽前泣翠娥  
銅雀臺

石頭城下浪崔嵬  
風起聲疑出地雷  
何事苻堅太相小  
欲投鞭策過江來  
東晉

子胥今日委東流  
吳國明朝亦古邱  
大笑夫差諸將相  
更無人解守蘇州  
吳江

寂寂函關鎖未開  
田文車馬出秦來  
朱門不養三千客  
誰

爲雞鳴得放回

西谷關

戰國相持竟不休  
武關纔掩楚王憂  
出門若取靈均語  
豈作咸陽一死囚

武關

拔山力盡霸圖隳  
倚劍空歌不逝騅  
明月滿營天似水  
那堪回首別虞姬

垓下

義帝南遷路入郴  
國亡身死亂山深  
不知埋恨窮泉後  
幾

度西陵片月沈

郴縣

東巡玉輦委泉臺  
徐福樓船尚未回  
自是祖龍先下世  
不

關無路到蓬萊

東海

武安南伐勒秦兵  
疏鑿功將夏禹并  
誰謂長渠千載後  
水

流猶入故宜城

故宜城

杜宇曾爲蜀帝王化禽飛去舊城荒年年來叫桃花月似  
向春風訴國亡

成都

三月襄陽綠草齊王孫相引到檀溪的盧何處埋龍骨流  
水依前遶大隄

檀溪

玉貌元期漢帝招誰知西嫁怨天驕至今青塚愁雲起疑  
是佳人恨未銷

青塚

北入單于萬里疆五千兵敗滯窮荒英雄不伏蠻夷死更  
築高臺望故鄉

李陵臺

漢家英傑出皇都攜手河梁話入胡不是子卿全大節也  
應低首拜單于

河梁

漢祖西來秉白旄子嬰宗廟委波濤誰憐君有翻身術解

向秦宮殺趙高

軼道

明妃遠嫁泣西風玉筋雙垂出漢宮何事將軍封萬戶卻

令紅粉爲和戎

漢宮

豫讓酬恩歲已深高名不朽到如今年年橋上行人過誰  
有當時國士心

豫讓橋

陸機西沒洛陽城吳國春風草又青惆悵月中千歲鶴夜  
來猶爲哭華亭

華亭

五馬南浮一化龍謝安入相此山空不知攜妓重來日幾  
樹鶯啼谷口風

東山

舉國賢良盡淚垂扶蘇屈死樹邊時至今谷口泉鳴咽猶

似秦人恨李斯

殺子谷



陸葉蕭蕭九月天  
驅兵獨過馬陵前  
路傍古木蟲書處  
記得將軍破敵年

馬陵

西戎不敢過天山  
定遠功成白馬閑  
半夜帳中停燭坐  
唯思生入玉門關

玉門關

光武經營業未興  
王郎兵革正憑陵  
須知後漢功臣力  
不及滹沱一片冰

滹沱河

博望沈埋不復旋  
黃河依舊水茫然  
汾流欲共牛郎語  
只得靈槎送上天

黃河

秦娥一別鳳皇臺  
東入青冥更不回  
空有玉簫千載後  
遺聲時到世間來

鳳皇臺

劉相西驅十萬來  
秋風原下久裴回  
長星不爲英雄住  
半

夜流光落九垓

五丈原

漢帝西征陷虜塵一朝圉解議和親當時已有吹毛劍何事無人殺奉春

平城

千里長河一旦開亡隋波浪九天來錦帆未落干戈起惆悵龍舟更不回

汴水

遲遲春日滿長空亡國離宮蔓草中宋玉不憂人事變從遊那賦大王風

蘭臺宮

山嶺千重擁蜀門成都別是一乾坤五丁不鑿金牛路秦惠何由得併吞

金牛驛

太子銜冤去不回臨臯從築望思臺至今漢武銷魂處猶有悲風木末來

望思臺

曉入邯鄲十里春東風吹下玉樓塵青娥莫怪頻含笑記  
得當年失步人 邯鄲

寂寂箕山春復秋更無人到此溪頭棄瓢巖畔中宵月千

古空聞屬許山 箕山

越王兵敗已山樓豈望全生出會稽何事夫差無遠慮更

開羅網放鯨鯢 會稽山

其工爭帝力窮秋因此捐生觸不周遂使世間多感客至

今哀怨水東流 不周山

悠悠虞坂路欹斜遲日和風簇野花未省孫陽身沒後幾

多騏驥困鹽車 虞坂

楚國君臣草莽間吳王戈甲未東還包胥不動咸陽哭爭

得秦兵出武關

秦庭

延平津路水溶溶峭壁巍岑一萬重昨夜七星潭底見分

明神劍化爲龍

延平津

阿母瑤池宴穆王九天仙樂送瓊漿漫矜八駿行如電歸  
到人閒國已亡

瑤池

一柱高標險塞垣南蠻不敢犯中原功成自合分茅土何

事翻銜惹苒冤

銅柱

楊震幽魂下北邙關西蹤跡逐荒涼四知美譽留人世應

與乾坤其久長

關西

古人未遇卽銜枯所貴愁腸得酒開何事山公持玉節等

閑深入醉鄉來

高陽池

五月驅兵入不毛月明瀘水瘴煙高誓將雄畧酬三顧豈  
憚征蠻七縱勞

瀘水

文帝鑿興勞北征條侯此地整嚴兵轅門不峻將軍令今

日爭知細柳營

細柳營

葉公邱墓已塵埃雲臺崇墉亦半摧借問往年龍見日幾  
多風雨送將來

葉縣

自古功成禍亦侵武安寃向杜郵深五湖煙月無窮水何  
事遷延到陸沈

杜郵

一宿柯亭月滿天笛亡人沒事空傳中郎在世無甄別爭

得名垂爾許年

柯亭

長房回到葛陂中人已登真竹化龍莫道神仙難頓學嵇

生自是不遭逢

葛陂

嬴政鯨吞六合秋削平天下虜諸侯山東不是無公子何  
事張良獨報讐

博浪沙

乘春來到隴山西隄氏城荒碧草齊好笑王元不量力函  
關那愛一丸泥

隴西

劉江一帶向東傾江上巍然白帝城自古山河歸聖主子  
陽虛共漢家爭

白帝城

溫嶠南歸輟棹晨燃犀牛渚照通津誰知萬丈洪流下更  
有朱衣躍馬人

牛渚

長嗟墨翟少風流急管繁弦似寇讐若解聞韶知肉味朝  
歌欲到何回頭

朝歌

一日天眞逐水流虎爭龍戰爲諸侯子眞獨有煙霞趣谷口耕鋤到白頭谷口

一溪春水澈雲根流出桃花片片新若道長生是虛語洞中爭得有秦人武陵溪

白蛇初斷路人通漢祖龍泉血刃紅不是咸陽將五解素靈那哭月明中大澤

日照荒城芳草新相如曾此挫強秦能令百二山河主便作樽前擊缶人澠池

曉日登臨感晉臣古碑零落峴山春松閒殘露頻頻滴暗似當時墮淚人峴山

漢祖東征屈未伸滎陽失律紀生焚當時天下方龍戰誰

爲將軍作誅文紫陽

祖舜宗堯自太平秦皇何事苦蒼生不知禍起蕭牆內虛  
築防胡萬里城長城

烈火西焚魏帝旗周郎開國虎爭時交兵不假揮長劍已  
挫英雄百萬師赤壁

古墓崔巍約路岐歌傳薶露到今時也知不去朝黃屋祇  
爲曾烹酈食其田橫墓

漢皇提劍滅咸秦亡國諸侯盡是臣唯有東陵守高節青  
門甘作種瓜人青門

吳王恃霸棄雄才貪向姑蘇醉醪醑不覺錢塘江上月一

面波越兵來姑蘇臺



思亡身入楚王家回首春風一面花感舊不言長掩淚祇

應翻恨有容華

息城

上蔡東門狡兔肥李斯何事忘南歸功成不解謀身退直

待雲陽血染衣

上蔡

王濬戈鋌發上流武昌鴻業土崩秋思量鐵鎖眞兒戲誰

爲吳王盡此籌

武昌

虎倦龍疲白刃秋兩分天下指鴻溝項王不覺英雄挫欲

向彭門醉玉樓

鴻溝

恃寵嬌多得自由驪山舉火戲諸侯祇知一笑傾人國不

覺胡塵滿玉樓

褒城

侯景長驅十萬人可憐梁武坐蒙塵生前不得空王力徒

向金田自捨身金陵

石勒童年有戰機洛陽長嘯倚門時晉朝不是王夷甫大  
智何由得預知洛陽

重岡複嶺勢崔巍一卒當關萬卒回不是大夫多辨說尉  
佗爭冒築朝臺番禺

襄王不用直臣籌放逐南來澤國秋自向波閒葬魚腹楚  
人徒倚濟川舟汨羅

英傑那堪屈下僚便裁門柳事蕭條鳳皇不共雞爭食莫  
怪先生懶折腰彭澤

涿鹿茫茫白草秋軒轅曾此破蚩尤丹霞遙映祠前水疑  
是成川血尙流涿鹿

五月扁舟過洞庭魚龍吹浪水雲腥軒轅黃帝今何在迴  
首巴山蘆葉青

洞庭

夏禹崩來一萬秋水從嶠冢至今流當時若訴胼胝苦更  
使何人別九州

嶠冢

大禹塗山御座開諸侯玉帛走如雷防風謾有專車骨何  
事茲辰最後來

塗山

鸞囀商郊百草新殷湯遺蹟在荒榛誰知繼桀爲天子便  
是當初祝網人

商郊

巖前版築不求伸方寸那希據要津自是武丁安寢夜一  
宵宮裏夢賢人

傅巖

精果成龍竟不開誰知拒諫削賢才武王兵起無人敵遂

作商郊一聚灰

鉅橋

孤竹夷齊恥戰爭望塵遮道請休兵

始無人說姓名

首陽山

秋風颯颯孟津頭立馬沙邊看水流

見說武王東渡日戎

衣臂此叱陽侯孟津

七雄戈戟亂如麻四海無人得坐家

老氏卻思天竹住便

將徐甲去流沙流沙

鄧侯城壘漢江干自謂深根百世安

不用三甥謀楚計臨

危方覺噬臍難鄧城

小白匡周入楚楚王雄霸亦咆哮

不思管仲爲謀主爭

敢言徵緇酒茅召陵

先相著書表國朝易卷第六

親在要君召不來亂山重疊使空迴如何堅執尤人意甘  
自巖前作死灰

薛山

魯公城闕已邱墟荒草無由認玉除因笑臧孫才知少東  
門鐘鼓祀鸚鵡

魯城

行行西至一荒陂因笑唐公不見機莫惜驪驪輸令尹漢  
東宮闕早時歸

驪驪陂

夾谷鸞嘯三月天野花芳草整相鮮來時不見侏儒死空  
笑齊人失措年

夾谷

草長黃池千里餘歸來宗廟已邱墟出師不聽忠臣諫徒  
恥窮泉見子胥

吳宮

春草駢駢暝日低山邊立馬看摩笄黃鸝也解道前事來

向夫人死處嘯

摩笄山

趙王一旦到房陵國破家亡百恨增魂斷叢臺歸不得夜來明月爲誰升

房陵

青春行役思悠悠一曲汀蒲漢水流正見塗中龜曳尾令人特地感莊周

漢水

野田極目草茫茫吳楚交兵此路傍誰料伍員入郢後大開陵寢撻平王

柏舉

一上青山便化身不知何代怨離人古來節婦皆銷朽獨爾不爲泉下塵

望夫山

鑿開山嶺引湘波上去昭回不較多無限鵲臨橋畔立適來天道過天河

金義嶺

一上高亭日正晡青山重疊片雲無萬年松樹不知數若  
箇虬枝是大夫

云云亭

新建阿房壁未乾沛公兵已入長安帝王苦竭生靈力大  
業沙崩固不難

阿房宮

年年遊覽不曾停天下山川欲遍經堪笑沙邱纔過處鑾  
輿風過鮑魚腥

沙邱

一朝閣樂統羣兒二世朝廷掃地空唯有渭川流不盡至  
今猶繞望夷宮

咸陽

此水雖非禹鑿開廢邱山下重縈迴莫言只解東流去曾  
使章邯自殺來

廢邱山

數罪楚師應奪氣底須多論破深艱倉皇闕知成何語遺

笑當時廣武山

廣武山

關東新破項王歸赤幟悠揚日月旗從此漢家無敵國爭  
教彭越受誅夷

長安

項籍鷹揚六合晨鴻門開宴賀亡秦樽前若取謀臣計豈  
作陰陵失路人

鴻門

荆棘蒼蒼漢水湄將壇煙草覆餘基適來投石空江上猶  
似龍顏納諫時

漢中

韓信經營按鑊鉅臨戎叱咤有誰加猶疑轉戰逢勅敵更  
向軍中問左車

泚水

漢祖聽讒不可防僞遊韓信果罹殃十年辛苦平天下何  
事生擒入帝鄉

雲夢



路入高陽感鄭生逢時長并便論兵最憐伏軾東遊日下  
盡齊王七十城

高陽

四皓忘機飲碧松石巖雲殿隱高蹤不知俱出龍樓後多

狂商山第幾重

四皓廟

原頭日落雪邊雲猶放韓盧逐兔羣況是四方無事日霸

陵誰識舊將軍

霸陵

欲出昆明萬里師漢皇習戰此穿池如何一面圖攻取不

念生靈氣力疲

昆明池

武皇無路及昆邱青鳥西沈隴樹秋欲問生前躬祀日幾

煩龍駕到涇州

迴中

何人知足反田廬玉管東門餞二疏豈是不榮天子祿後

賢耶使久閑居東門

漢帝荒唐不解憂大誇田獵廢農收子雲徒獻長楊賦

念高皇沐雨秋

射熊館

師克由來在協和蕭王兵馬固無多誰知大敵昆陽敗卻

笑前朝因楚歌

昆陽

七里青灘映碧眉九天星象感嚴陵釣魚臺上無絲竹不

是高人誰解登

七里灘

古賢高尙不爭名行止由來動杳冥今日淚爲千里客看

花惹上德星亭

潁川

黃祖才非長者儔禍衡珠碎此江頭今來鸚鵡洲邊過惟

有無情碧水流

江夏

沈湘耆舊集前編卷第末

七  
明上

本初屈指定中華官渡相持勒虎牙若使許攸財用足山河爭得屬曹家官渡

長安城外白雲秋蕭索悲風灞水流因想漢朝離亂口仲宣從此向荊州灞岸

徒向濡須欲受降英雄才畧獨無雙天心不與金陵使高步何由得渡江濡須橋

策馬行行到豫州祖生寂寞水空流當時更有三年壽石勒尋爲關下囚豫州

符堅舉國出西秦東晉危如累卵晨誰料此山諸草木盡能排難化爲人入公山

宗案錄史諸詩頗傷淺直四庫全書總目及升庵詩品論之詳矣篇中意旨隱微宛不

失風人之旨兮  
仍過而存之

下第

翰苑何時休嫁女文昌早晚罷生兒上林新桂年年發不  
許平人折一枝

贈薛濤

萬里橋邊女校書枇杷花下閉門居埽眉才子知多少管  
領春風總不如

附錄胡從事在高駢幕府答南詔牒略云牒前件  
木吏萬里離南一朝至北開城捧讀詞藻煥然獎  
飾過多欣慰何極實以乍同邊鎮才到藩籬且按  
北朝之舊儀未委彼國之新制不知鶴拓唯認荳  
畔尙呼南詔之舊名豈見大朝之美號要從徵耗  
且是所宜伏承  
膝缺舌折腰婢服來庭毼裘入貢蓋以深明豹略  
精究龍圖波伏西天草僊南土者然侵軼我華夏

無乃不可乎將謂我皇帝有所負於彼邦邊臣有  
所負於彼國慮彼直我曲獲罪於天是陳木夾申  
懷用時榮報及披迴示已見事根止於四繫使人  
放歸彼國始乎小怨終此深讐吞噬我郎甯虔劉  
我交趾取我越雋犯我益州若報東門乃及再四  
夫物居中者尊也處外者卑也是以衆星拱之北  
辰百谷趨之東海天地尚不能違而況於人乎我  
國家居天之東宅地之腹四方八表莫不翊贊亦  
猶北辰之與東海也誠知土地山河歸於有德雖  
云有德亦類相時苟無其時安可安動明公傳識  
多問豈味此乎在昔王莽不識天時符堅不知  
數妄恃強富爭帝乾坤莽以百萬銳師來襲後漢  
光武以五千之衆破於昆陽符堅以六十萬精兵  
寇於東晉謝安以八千之衆破於淝陽何足恃也  
天周地所致者也國富兵強何足恃也周王杖籙  
於岐山漢祖脫禍於泗水我高祖起自隴川蓋明  
公只知其一未知其二見其形未知其兆也昔周  
王遇殷紂之暴微子去比干剖箕子知其兆也昔  
故武王援旗誓衆一舉而滅紂者蓋天奪殷而與  
周也我皇方宵衣旰食周王家有姬旦戶生呂望  
乎漢祖遇秦皇無道焚燒詩書坑儒戶生呂望者

造阿房民不聊生是以陳勝一呼天下響應漢祖  
西入五星都聚者蓋天奪秦而與漢也我皇方崇  
詩書任賢哲卑宮室恤黔黎天下有人英如漢祖  
家有韓信戶生張良者乎我高祖遇隋煬荒淫竭  
生民之財產為巡幸之資糧虎噬羣賢錄烝庶可  
浮沈遼海疏鑿汴河今年東征明年西伐民不聊  
生是以我高祖應天順地奄有四海蓋天尊隋而  
與唐也今我皇上贊國人力方歆天下有人雄如唐  
夢卜宰輔皇天方贊國人力方歆天下有人雄如唐  
祖家有敬德戶生名倫者乎僕雖自絳紗素吮黃  
石既探師律固識兵機奉詔鎮壓三巴撫安百姓  
思敦禮樂恥用干戈苟不獲已即須訓戎且蜀地  
闊數千里郡列五十城石口至多士卒至衆緣從  
前元戎皆是儒者但守昇平之元規雖分常憂不  
教民戰是以彼國得以深入無備故也僕示之以  
三令教之以八陣鼓聲而進鉦動而退甘與之共  
苦與之均義等墳簾情猶瓜葛使家藏甲冑戶貯  
干戈賞罰並行公私共貫既識三略便可七擒况  
彼國自長慶以來騷擾益部殺人之父孤人之子  
掠人之妻緣人之夫焚人之廬舍窮人之桑麻蜀  
人怨恨痛入骨髓僕乘其眾怒之勢示其暴怨之  
門仗宗廟之威靈純華夏之精銳若乘流縱棹下

坂推車豈勞心哉僕官是宰衡位當侯伯破堅執  
銳雖未濟洵焚舟平生所貯彼國將帥之強弱邦  
國之盈虛坐可酌量何煩詢誘且六合之外舟車  
不至聖人不言彼國在聖人亦猶燭龍與不取談  
之地縱主稱英哲臣號俊父亦猶燭龍與不取談  
照於一方春雷振聲不能過於百里天與未韜未  
何容易夫天有五賊見之者昌彼國縱曉未韜未  
爛五賊而欲泥封函谷水灌晉陽何其謬哉五賊  
者夏桀張羅服湯祝網是以德而賊不德也齊國  
剖生人周文葬枯骨是以德而賊不德也齊國  
微薛貸魯國厚貸薄徵是以義而賊不義也陳後  
殺義帝既高祖舉哀是以義而賊不義也陳後  
驕者隋文帝恭儉是以義而賊不義也陳後  
兼陵六斬方可規人山以道而賊不義也陳後  
失而彼國徒自陸梁以此推之興亡可鑒何勞遠  
離庭戶始識安危久習韜鈴方明勝負而妄憂始  
息不務始識安危久習韜鈴方明勝負而妄憂始  
人事不務始識安危久習韜鈴方明勝負而妄憂始  
百計不務始識安危久習韜鈴方明勝負而妄憂始  
國昔年東海星不拱北辰蘇武在匈奴外無節中  
國之無事有前規令難更易況小不事大外無節中  
致疑天候我謀何患眾怒訓齊士不事大外無節中

萬民渡瀘會獵繼齊魯之夾谷紹秦趙之澠池  
便是行人豈遺佳策皇帝聖旨已具前滅奏聞臣  
下不復多談恐乖忠告謹牒案秋田有賀高相  
公除荆南謝路相公二啟見文苑英華四庫提  
要所云干謁方鎮之作也此篇世少  
傳者特從大理志采出附錄於此



沈澗菴先生集前編卷第六終

沅湘耆舊集前編卷第七

新化 鄧顯鶴 子立審編

男琮謹輯

曹正字松 一百四首

松字夢徵衡陽人學賈島爲詩久困名場昭宗天  
復初及第與王希羽劉象柯崇鄭希顏同榜年皆  
七十餘時號五老榜授祕書省正字有集三卷全  
唐詩編爲二卷夢徵爲衡陽人湖南志乘相沿無  
異詞自晁公武讀書志誤以爲舒州人全唐詩因  
之今修安嶽志者遂據以立傳楚寶文苑辨之亦  
未有確然左證今就其集中諸作核之斷爲楚人

無疑如開卷長安春日云徒云還楚計猶自惜離  
秦慈恩寺貽某上人云在秦生楚思波浪接禪關  
此類甚多然猶曰皖桐閒亦可稱楚也至集中將  
入關行次湘陰作云背顧秦城在何處圖書作伴  
過湘東神鷗亂噪黃陵近候雁斜沈夢澤空打槳  
天連晴水白燒田雲隔夜山紅也知漸老巖樓穩  
爭柰文闢有至公由衡入關過長沙次湘陰歷歷  
如繪想見出門西望回首家山低徊遲暮光景豈  
有舒人而紆迴二千里行次湘陰以入關求試者  
乎此不待辨而知其爲楚人無疑者矣又齊已有  
贈盧松先輩詩云山中把卷去鵝下注官歸楚月

吟前落江禽把酒飛蓋賀其登第後作亦楚人之

一證也王定保唐摭言云昭宗天復元年敕文命

場才沾科級年齒已高者不拘常例各授一官於

是禮部侍郎杜德祥奏揀到新及第進士陳光問

年六十九曹松年五十四王希羽年七十三劉象

年七十柯崇年六十四鄭希顏年五十九詔光問

松希羽可秘書省正字象崇希顏可太子校書

楚寶文苑案陳光問長沙茶陵人讀書靈巖山中

年近六十忽有雙鶴鳴舞其友沈彬曰必登雲兆

也是茂果同曹松登第為五老榜然考松之年在

諸老中為最少其授官亦各異不得槩以五老稱

之詩人為舒州人誤陳光問似欠考又晁氏讀書志

以松為舒州人誤楚寶文苑考異按湖南通志

舊說以光問為五老榜之一考撫言云天復元年

杜德祥榜放曹松王希羽劉象柯崇鄭希顏等及

第松希羽甲子皆七十餘象崇希顏亦皆年逾耳

順矣時謂五老榜無光問名而洪容齋所引德祥

奏內自光問以下凡六人第言其同日受官亦未

指光問在五老之列蓋光問雖與松

等同榜而五老之稱光問不與也

長安春日

浩浩看花晨六街揚遠塵塵中一丈日誰是晏眠人御柳  
舞著水野鴛鴦破春徒云還楚計猶自惜離秦

慈恩寺貽楚霄上人

在秦生楚思波浪接禪關塔礙高林鳥窗開白日山樹陰  
移草上岸色透庭閒入內談經徹空攜講疏還

崇義里言懷

馬蹏京洛岐復此少閑時老積滄洲夢秋乖白閑期平生  
五字句一夕滿頭絲把向侯門去侯門未可知

僧院松

此木韻彌全秋霄學瑟絃空知百餘尺未定幾千年古甲

層雲拆孤根捉地堅何當拋一榦作蓋道場前

貽世

富者非義取樸風爭有還紅塵不待曉白首有誰閑淺渡  
四溟水平看諸國山只消年作劫俱到總無閒

南遊

直到南箕下方諸漲海頭君恩過銅柱戎節限交州犀占  
花陰臥波衝瘴色流遠夷非不樂自是北人愁

送胡中丞使日東

辭天理玉簪指日使雞林猶有中華戀方同積浪深張帆  
度鯨口銜命見臣心渥澤遐宣後歸期抵萬金

哭陳陶處士

園裏先生塚鳥啼春更傷空餘入封樹尙對一茅堂白日  
埋杜甫皇天無來陽如何稽古力報答甚茫茫

言懷

冥心坐似癡寢食亦如遺爲覓出人句祇求當路知豈知  
窮到老未信達無時此道須天付三光幸不私

月

寥寥天地內夜魄爽何輕頻見此輪滿卽應華髮生不圓  
爭得破纔正又須傾人事還如此因知倚伏情

谷匡山僧贈柳栗杖

栗杖出匡頂百中無一枝雖因野僧得猶畏挾神知晝月  
冷光在指雲秋片移宜畱引蹇步他日訪峨嵋

高山夜聞泉

瀉月聲不斷坐來心益閑無人知落處萬木冷空山遠憶  
雲容外幽疑石縫閒那辭通曙聽明日度藍關

書懷

默默守吾道望榮來替愁吟詩應有罪當路卻如讐陸海  
儻難溺九霄爭便休敢言名譽出天未白吾頭

感世

觸目盡如幻幻中能幾時愁來捨行樂事去莫吞悲白髮  
不由已黃金畱待誰耕煙得銘誌翻爲古人思

山中寒夜呈進士許棠

山寒草堂暖寂夜有良朋讀易分高燭煎茶取拆冰庭垂



河半角窗露月微稜俱入論心地爭無俗者憎

鍾陵野步

閑屏聊自啓信步出波邊野火風吹濶春冰鶴啄穿渚檣  
齊驛樹山鳥入公田未創孤雲勢空思白閣年

薦福寺贈應制白公

才子紫檀衣明君寵顧時講昇高座懶書答重臣遲瓶勢  
傾圓頂刀聲落碎髭還聞穿內去隨駕進新詩

古塚

代遠已難問纍纍次古城民田侵不盡客路踏還平作穴  
蛇分蟄依岡鹿繞行唯應風雨夕鬼火出林明

訪山友

一逕通高屋重雲翳兩原山寒初宿頭泉落未知根急雨  
洗荒壁驚風開靜門聽君吟廢夜苦卻建溪猿

猿

曾宿三巴路今來不願聽雲根曉片白峯頂擲尖青護果  
憎禽啄栖霜覩葉零唯應臥嵐客憐爾傍嵒局

秋日送方干遊上元

天高淮泗白料子趨修程汲水疑山動揚帆覺岸行雲迷  
京口樹路入石頭城後夜分遙念諸峯月霧生

哭李頻員外

出麾臨建水下世在公堂苦集休開篋清資罷轉郎瘴中  
無子莫嶺外一妻孀定是浮香骨東歸就故鄉

山中言事

嵐靄潤窗櫺吟詩得冷瘕教餐有效藥多媿獨行僧雲溼煎茶火冰封汲井繩片扉深著掩經國自無能

送左協律京西從事

辟書來幾日遂喜就嘉招猶向風沙淺非於旬服遙時平無探騎秋靜見盤鵬若遣關中使煩君問寂寥

望九華寄池陽太守

造化峯峯異宜教岳德謙靈蹤載籍古怪刃刺雲尖盤蹙陵陽壯孤標建鄴瞻霽餘堪洗目青出謝家簷

上廣州支使王拾遺

明時應不諫天幕稱仙才聘入關中去人從帝側來詩箇

盛島嶼檄盾照風雷幾度陪旄節營巡海色迴

信州開通寺題僧砌下泉

細聲從嶠足幽淡浸香墀此境未開日何人初見時  
耗痕延黑蘚淨罅吐微澌應有喬梢鶴下來當飲之

山中

此地似商嶺雲霞空往還衰條難定鳥缺月易依山  
野色耕不盡溪容釣自閑分因多臥退百計少相關

寄崇聖寺僧

不醉長安酒冥心只似師望山吟過日伴鶴立多時  
溝遠流聲細林寒綠色遲庵西蘿月夕重約語空期

都門送許棠東歸

舊客東歸遠長安詩少朋去愁分磧雁行計逐鄉僧華岳  
無時雪黃河漫處冰知辭國門路片席認西陵

送進士喻坦之遊太原

北鄙征難盡詩愁滿去程廢巢侵燒色荒冢入鋤聲逗野  
河流濁離雲磧月明并州戎壘地角動引風生

九江暮春書事

楊柳城初鎖輪蹄息去蹤春流無舊岸夜色失諸峯影動  
漁邊火聲遲話後鐘明朝迴去雁誰向北郊逢

再到洪州望西山

原注松常  
栖此山

洪州向西顧不忍暫忘君記得瀑泉落省同幽鳥聞一迴  
經雨電長有賸風雲未定卻栖息前頭江海分

與胡汾坐月期貫休上人不至

埽庭秋漏滴接話貴忘眠靜夜人相語低枝鳥暗遷星園  
南極定月照斷河連後會花宮子應開石上禪

贈胡處士

年光離岳色帶疾臥南原白日與無事俗人嗔閉門樵魚  
臨片水野鹿入荒園莫問榮華事清霜點髮根

書翠巖寺壁

何年話尊宿瞻禮此堂中入郭非無路歸林自學空磯瓶  
雲嶠水逆磬雪川風時說南廬事知師用意同

題湖南岳麓寺

海雲山上寺每到每開襟萬木長不住細泉聽更深蜩沾

高雨斷鳥遇夕嵐沈此地良宵月秋懷隔楚砧

贈衡山麋明府

爲縣瀟湘水門前樹配苔晚吟公籍少春醉積林開滌硯  
松香起擎茶岳影來任官當此境更莫夢天台

塞上

邊寒來所濶今日復明朝河凌堅通馬朝雲缺見鵬砂中  
程獨泣鄉外隱誰招迴首若經歲靈州生柳條

送邵安石及第歸連州覲省

及第兼歸覲宜忘涉驛勞青雲重慶少白日一飛高轉楚  
聞號狄臨湘見疊濤海陽沈飲罷何地佐旌旄

邊上送友人歸甯

鄉路穿京過甯心去少同日斜尋闢磧春盡逐歸鴻獨樹  
河聲外凝笳塞色中憐君到此處卻背老萊風

除夜

殘臘卽又盡東風應漸聞一宵猶幾許兩歲欲平分燎暗  
傾時斗春通綻處芬明朝遙捧酒先合祝堯君

題甘露寺

香門接巨壘畫角閒清鐘北固一何峭西僧多此逢天垂  
無際海雲白久晴峯旦暮然鐙外禱頭振蟄龍

貽住山僧

罷講巡巖塢無窮得野情臘高猶伴鹿夏滿不歸城雲朵  
綠崖發峯陰截水清自然雙洗耳唯任白豪生



題鶴鳴泉

仙鶴曾鳴處泉兼半井苔直峯拋影入片月瀉光來潄潄  
侵顏冷深沈慰眼開何因值舟頂滿汲石甕迴

吊賈島二首

先生不折桂謫去抱何冤已葬離燕骨難招入劍魂旅墳  
低卻草稚子哭勝援冥寞如搜句宜邀賀監論

青旂低寒水清笳出曉風鳥來傷賈傅馬立葬滕公松柏  
青山上城池白日中一朝今古隔惟有月明同

此首本集不載  
見唐詩類苑

憶江西并悼亡友

前心柰兵阻悔作豫章分芳草未歸日故人多是賸帆行  
出岫雨馬踐過江雲此地一尊酒當時曾以友

九江送方千歸鏡湖

一棹懸五兩此日動歸風客路拋湓口家林入鏡中譚餘  
雲出嶠詠苦月歆空更若看鵲鵲何人夜坐同

廬山訪賈匡

西城疾病日此地少尋君古跡春猶在遙泉夜盡聞片時  
三處雨九疊幾重雲到者皆忘寐精神與俗分

喜友人歸上元別業

一櫓千里外隱者興宜孤落日長邊海秋風滿故都掩關  
苔色老盤逕葉聲枯匡岳來時過遲迴絕頂無

曲江暮春雪霽

齊動江池色春殘一去游孤風生馬足槐雪滴人頭北闕

塵未起南山青欲流如何多別地卻得醉汀州

石頭懷古

日月出又沒臺城空白雲雖寬百姓土漸缺六朝墳禾黍  
是亡國山河歸聖君松聲驟雨足幾寺晚鐘聞

浙右贈陸處士

靜節灌園餘得非成隱居長當庚子日獨拜五經書白浪  
吹亡國秋霜洗大虛門前是京口身外不營儲

贈雷鄉張明府

任官征戰後度日寄閑身封卷還高客飛書問野人廢田  
教種穀生路遺薪若起柴桑興無先漉酒巾

岳陽晚泊

輕帆下闊流便泊此沙洲湖影撼山朶日陽燒野愁白波  
爭起倒青嶼或沈浮是際船中望東南萬里秋

弔建州李員外

銘旌歸故里猿鳥亦悽然已葬桐江月空迴建水船客傳  
爲郡日僧說讀書年恐有吟魂在深山古木邊

弔北邙

山下望山上夕陽看又曛無人醫白髮少地著新墳歲代  
殊相遠賢愚旋不分東歸聊一弔亂木倚寒雲

水精念珠

等量紅縷貫晶熒盡道勻圓別未勝鑿斷玉潭盈尺水琢  
成金地兩條冰輪時祇恐星侵佛挂處常疑露滴僧幾度

夜深尋不著瑠璫爲殿月爲鐙

南海旅次

憶歸休上越王臺歸思臨高不易裁爲客正當無雁處故園誰道有書來城頭早角吹霜盡郭裏殘潮蕩月回心似百花開未得年年爭發被春催

陪湖南李中丞宴隱溪

竹林嘯鳥不知休羅列飛橋水亂流觸散柳絲回玉勒約開蓮葉上蘭舟酒邊舊侶眞何遜歌裏新聲是莫愁若值主人嫌晝短應陪秉燭夜深遊

別湖上主人

門繫釣舟雲滿岸借君幽致坐移旬湖村夜叫白燕雁菱

深浦人遠水日邊重作雪寒林燒後別生春不辭  
更住醒還醉太一東峯歸夢頻

鍾陵寒食日與同年裴顏李先輩鄭校書郊外閑遊  
寒節鍾陵香騎隨同年相命楚江湄雲閒影過鞦韆女地  
上聲喧蹴鞠兒何處寄煙歸草色誰家送火在花枝銀瓶  
冷酒皆傾盡半臥垂楊自不知

江外除夜

千門庭燎照樓臺總爲年光急急催半夜臘因風卷去五  
更春被角吹來甯無好鳥思花發應有遊魚待凍開不是  
多岐漸平穩誰能呼酒祝昭回

七夕

牛女相期七夕秋相逢俱喜鵲橫流彤雲縹渺迴金輅明  
月嬋娟挂玉鉤燕羽幾曾添別恨花容終不更含羞更殘  
便是分襟處曉箭東來射翠樓

羅浮山下書逸人壁

海上亭臺山下煙買時幽邃不爭錢莫言白日催華髮自  
有丹砂駐少年漁釣未歸深竹裏琴壺猶戀落花邊可中  
更陵無人境知是羅浮第幾天

天台瀑布

萬仞得名云瀑布遠看如織挂天台休疑竇尺難量度直  
恐金刀易剪裁噴向林梢成夏雪傾來石上作春雷欲知  
便是銀河水墮落人間合卻迴

桂江

未識佳人尋桂水  
水雲先解傍壺觴  
筍林次第添斑竹  
鷗鳥參差護錦囊

原注南中有錦囊鳥

乳洞此時連越井  
石樓何日到

僊鄉如飛似墮皆青壁  
畫手不強元化強

南海

傾騰界漢沃諸蠻  
立望何如畫此看  
無地不同方覺遠  
共天無別始知寬  
文魴隔霧朝含碧  
老蚌淩波夜吐丹  
萬狀千形皆得意  
長鯨獨自轉身難

洞庭湖

東西南北各連空  
波上唯畱小朶峯  
長與岳陽翻鼓角  
不離雲夢轉魚龍  
吸迴日月過千頃  
鋪盡星河賸一重  
直到



初餘還作陸是時應有羽人逢

霍山

七千七百七十丈丈藤蘿勢入天未必展來空似翅不  
妨開去也成蓮一作西土文殊曾印月將河漢分巖轉僧  
與龍蛇共窟眠直是畫工須閣筆况無名畫可流傳

巫峽

巫山蒼翠峽通津下有僊宮楚女眞不逐彩雲歸碧落卻  
爲暮雨撲行人年年舊事音容在日日誰家夢想頻應是  
荆山畱不住至今猶得覩芳塵

碧角簾

細皮重疊織霜紋滑膩鋪牀勝錦茵八尺碧天無點翳一

方青玉絕纖塵。蠅行只恐煙黏足。客臥潭疑水浸身。五月  
不教炎氣入。滿堂秋色冷龍鱗。

贈鏡湖處士方干二首

包含教化賸搜羅。句出東甌柰峭何。世路不妨平處少。才  
人唯是屈聲多。雲來島上便幽石。月到湖心忌白波。後輩  
難爲措機杼。先生織字得龍梭。

祇擬懸星眠越絕。唯將麗什當高勲。磨礱清濁人難會。織  
絡虛無帝亦聞。鳥道未知山足雨。漁家已沒鏡中雲。他時  
莫爲三徵起。門外沙鷗解笑君。

拜訪陸處士

滿卷書邊人半白。再來惟恐降元纁。性靈比鶴爭多少。氣

力登山較幾分吟鬢漸無前度漆  
衾衣猶有昨宵雲將知  
谷口耕煙者低視齊梁楚趙君

嶺南道中

百花成實米成歸未必歸心與志違  
但有壺觴資逸詠盡  
交風景入清機半川陰霧藏高木  
一道晴蜺雜落暉遊子  
歸前芳草合鷓鴣嘯歇又南飛

春日自吳門之陽羨道中書事

勝異恣遊應未遍路歧猶去幾時還  
浪花湖闊虹蜺斷柳  
錢村深鳥雀閑千室綺羅浮畫檝  
兩川絲竹會茶山眼前  
便是神仙事何必須言洞府閒

將入關行次湘陰

背顧秦城在何處圖書作伴過湘東  
神鷄亂噪黃陵近候  
厓斜沈夢澤空打槩天連晴水白燒田雲隔夜山紅也知  
漸老巖棲穩爭奈文闈有至公

題昭州山寺常寂上人水閣

常寂常居常寂裏年年月月是空空  
堦前未放巖根斷屋  
下長教海眼通本爲入來尋佛窟不期行處踏龍宮  
他時憶著堪圖畫一朵雲山二水中

贈道人

住山因以福爲庭便向山中隱姓名  
閭苑駕將雕羽去洞  
天贏得綠毛生日邊腸胃餐霞火月裏肌膚飲露英  
顧我從來斷浮濁擬驅雞犬上三清

送乞雨禪師臨過南遊

活得枯樵耕者知  
巡方又欲向天涯  
珠穿閩國菩提子  
杖把靈峯柳栗枝  
春鮮任封降虎石  
夜雷從傍養龍池  
生緣在地南浮去  
自此孤雲不可期

南海陪鄭司空遊荔園

荔枝時節出旌旂  
南國名園盡興遊  
亂結羅紋照襟袖  
別含瓊露爽咽喉  
葉中新火欺寒食  
樹上丹砂勝錦州  
他日爲霖不將去  
也須圖畫取風流

李郎中林亭

祇向砌邊流野水  
樽前上下看魚兒  
筍蹊已長過人竹  
藤徑從添拂面絲  
若許白猿垂近戶  
卽無紅果壓低枝  
大才

必擬逍遙去更遣何人佐盛時

夜飲

良宵公子宴蘭堂濃麝薰人獸吐香雲帶金龍銜畫燭星  
羅銀鳳瀉瓊漿滿屏珠樹開春景一曲歌聲遶翠梁席上  
未知簾幕曉青娥低語指東方

山中

要路豪家非往還巖門先有不曾關衆心惟恐地無贖吾  
意亦憂天惜閑白練曳泉窗下石絳羅垂果枕前山樵夫  
豈解營生業貴欲自安麋鹿閒

荆南道中

十月荒郊雪氣催依稀愁色認陽臺遊秦分繫三條燭出

楚心殊一寸灰高柳莫遮寒月落空桑不放夜風迴如何  
住在猿聲裏卻被蟬吟引下來

及第勅下宴中獻坐主杜侍郎

得名邱牆淚卻頻若無公道也無因門前送勅朱衣吏席  
上銜杯碧落人半夜笙歌教洗月平明桃杏放燒春南山  
雖有歸溪路爭那酬恩未殺身

白角簞

角簞工夫已到頭夏來全占滿牀秋若言保惜歸華屋祇  
合封題寄列侯學卷曉冰長怕綻解鋪寒水不教流蒲桃  
錦是瀟湘底曾得王孫價倍酬

送陳樵校書歸泉州

巨塔列名題詩心亦罕  
齊除官京下闕乞假海門西別席  
侵殘漏歸程避戰輦關遙秦雁斷家近瘴雲低候馬春風  
館迎船曉月溪帝京須早入莫被刺桐迷

春草

不獨滿池塘夢中佳句香春風有餘力引上古城牆

金谷園

當年歌舞時不說草離離今日歌舞盡滿園秋露垂

夏日東齋

三庚到秋伏偶來松檻立熱少清風多開門放山入

南朝

離離蓋馳道風烈一無取時見牧牛童喚牛喫禾黍



滕王閣春日晚望

凌春帝子閣偶眺日移西浪勢平花塢帆陰上柳隄

題僧松禪

空山澗畔枯松樹禪老堂頭甲乙身

一作老對禪  
鱗甲身

傳是昔

朝僧種著下頭應有茯苓神

巳亥歲二首

澤國江山入戰圖生民何計樂樵蘇憑君莫話封侯事一

將功成萬骨枯

傳聞一戰百神愁兩岸疆兵過未休誰道滄江總無事近

來長共血爭流

亂後入淇州西山

寂寂陰溪水漱苔塵中將得苦吟來東峯道士如相問縣尉而今不姓梅

送僧入廬山

若到江州二林寺遍遊應未出雲霞廬山瀑布三千仞畫  
破青霄始落斜

送僧入蜀過夏

師言結夏入巴峯雲水迴頭幾萬重五月峨眉須近火木  
皮傾重只如冬

中秋對月

無雲世界秋三五共看蟾盤上海涯宜到天頭天盡處不  
曾私照一人家

贈廣宣大師

憶昔同游紫閣雲別來三十二回春  
白頭相見雙林下猶是清朝未退人

商山

垂白商於原下住兒孫共死一身忙  
木弓未得長離手猶與官家射麝香